



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

465. Quotuplices sint decimæ.

[urn:nbn:de:hbz:466:1-74477](#)

praescriberint isti regulares. Bass. *ibid.* citans Azor. *ubi ante* *cit. q. 13.* & Fagund. *loc. cit.*

7. Sexto, quæ offeruntur Clerico rem divinam facienti in aliqua parochia de jure, veletiam de ordinariè ferè & communiter recepta consuetudine spectant ad parochum, seu Rectorem illius Ecclesie, in qua celebrat; vel ad alium Sacerdotem, ad cuius jurisdictionem altare spectat, modò non tradantur isti Sacerdoti tanquam stipendium sui laboris; tunc enim ad illum spectant. Bass. *l. cit. ibidem* citans Regin. *l. 19. n. 85.* & Azor. *d. q. 13.* Barb. *n. 28.* citans Garat. *ubi ante. c. 13.* qui tamen *ibidem in fine* ait: oblationes, quæ sunt in missa de sposo, quæ celebratur à parocho in aliena parochia, cedunt celebranti, cum ejus contemplatione dentur. De cetero in his omnibus servanda consuetudo, siquæ in quibusdam locis est alia legitimè præscripta. Bass. remittens ad Suar. *tom. i. de relig. tr. 2. c. 7.* Filiuc. *tr. 27. p. 2. n. 139.* Illarianum, Socinum, &c.

8. Porro quod dictum hucusque fuit, spectare istiusmodi oblationes ad parochum, id limitandum juxta paulò ante insinuata, ut id solum locum habeat, dum oblationes in Ecclesiis, Sacellis, vel ad imagines factæ ex piorum offerentium voluntate non destinantur ad certum usum, puta pro missis legendis, fabrica, vel ornamenti; solum enim in dubio, seu ubi talis certa destinatio offerentis non accessit, aut de ea non constat expresse, vel ad ministerialiter aut conjectualiter, spectant ad parochum, alias dicta voluntas præcisè tervari debet, ut pote cuicunque dispositioni juris prævalens. Card. *Luc. d. 19. de decim. n. 9.* Barb. *num. 30.* citans Maresch. & Riccium, *ub. ante.*

9. Præterea in specie quo ad oblationes factas imaginis alicui, hoc ipsum ulterius sic limitandum, ut procedat in oblationibus modicis; non verò in magnis, seu etiam in minutis, quæ tamen ob nimiam frequentiam magnæ quoque dici merentur; sed quod talis quantitas vel frequentia oblationum concursusque populi verisimilius præferat voluntatem devotorum offerentium ea potius in fabricam, ornamentum vel donem Capella, vel Ecclesia, in qua sita imago, vel ut nova construatur illius honori Ecclesia; uti praxis docet, dum ex calibus initiis sumptuosissimæ surrexerint Ecclesia, quæ ad impinguandum Rectorem Ecclesia, aut donandum ea Episcopo, atque ita supradicta regula adjudicans eas oblationes parocho non est generalis determinata, ut præcludat super his Ordinarii arbitrium, ita bene regulatum, ut in eodem loco imaginis nova construatur Ecclesia. Card. *de Luc. de paroch. d. 32. n. 5. de jurep. d. 12. n. 10. de decimis. d. 19. n. 9. & seq.* ubi ramen *num. 11.* hæc restringit ad imagines de novo repertas, aut etiam ad antiquas, ad quas ob recenter facta quedam miracula vera vel opinata populus incipit concurrere: si enim, ut inquit *num. 13.* agatur de antiquis Ecclesiis, vel imaginibus, ad quas ex longa jam consuetudine à pluribus annis populus cum elemosynis vel oblationibus annuatim solet concurrere, tunc istas oblationes & elemosynas adhuc spectare ad parochum seu Rectorem tanquam fructus, si ex eo longo usu sint quasi certæ & uniformes: de cetero tametsi parochus non habeat intentionem fundatam ad effectum, ut tunc eas oblationes convertat in proprium, dum impendi debeant in usum à largientibus delinatum; adhuc tamen administratio earundem, dum in certum

sum eroganda sunt, spectabit ad solum parochum. Barb. *ibidem* citans Abb. *in c. pastoralis. de his, que sunt à Prelat. n. 2.* Ferret. *conf. 143 num. 4.* Itamen, ut prohibendum non sit Episcopus, sive ex dispositione juris communis, cum dicatur parochus parochorum, sive ex dispositione Trid. *sess. 22. c. 8 & 9.* ut rationes administrationis debeant ei reddi, atque superintendentiam quandam habeat. C. *de Luc. d. 19. de decim. num. 12.* Denique in his omnibus tam quoad punctum administrationis istiusmodi oblationum, quæ quoad jus eas percipiendi, & in tota hac oblationum materia plurimum admittenda & observanda est consuetudo legitima & præscripta, si quæ est in diversis locis diversa. Barb. *loc. cit. n. 31.* citans Riccium, *ubi supr. n. 9.* Gratian. *discep. for. c. 395 n. 25.* Bass. *l. cit.* remittens ad Suar. *ubi supr. c. 7.* Filiuc. *tr. 27. p. 2. n. 139.* Socium de oblat. *l. 18. n. 17. 18. & 26.*

Questio 464. Quid sint decima?

R Epondeo: decima, de quibus jus canonicum *l. 3. tit. 30.* sunt pars decima fructuum, debita ministris Ecclesia ob ministerium spirituale. Bass. *v. decima. n. 1.* & jus decimandi est jus ab Ecclesia concedum ob ministeriem divinorum percipiendi & exigendi decimam partem fructuum. Ita ferè Barb. *de off. paroch. c. 28. num. 5.* ex D. Thom. *2. 2. q. 87. a. 3.* Soler de cetero decima sumi quandoque pro ipso jure percipiendi fructus decimarum, licet ordinariè importet ipsam perceptionem, seu ipsos fructus, qui decimarum nomine capiuntur. Barb. *§. 2. nn. 1.* ex D. Thom. *loc. cit.* & hoc secundo modo acceptum constat esse, quid mere temporale, ut pote formaliter consistens in ipsis rebus seu fructibus temporalibus.

Questio 465. Quotuplices sint decima?

I. R Epondeo primò: decima, seu jus decimandi aliud est profanum & merè laicale, ortum ducens ex eo, quod Domini merè temporales datis prædiis suis in usum fructum, feudum, vel Emphyteus in loco tributi, pensionis annua vel canonis imponuerunt decimam, vel aliam partem fructuum pendendam, aut per speciem collecta seu contributionis indixerunt subditis suis. Card. *de Luca de decim. d. 6. n. 8.* Laym. *Theol. moral. l. 4. tr. 6. c. 2. n. 5.* ex Gregor. Tholos. *in syntag. juris. l. 2. c. 20.* Aliæ sunt Ecclesiastica, quarum iterum aliæ, que nimur priuam suam institutionem retinentes, Ecclesia ministris ob spirituales eorum functiones stipendi loco à fidelibus præstantur, ideoque propriè spirituales & Ecclesiastica dicuntur; alia verò, quæ à titulo spiritualis officii separata ex concessione Ecclesia ob justam causam laicis personis obveniunt, ideoque laicales etiam decimæ appellari solent, longè tamen à prioribus istis laicalibus distinctæ. Laym. *loc. cit.* Porro in dubio, utrum decima profana sint, an Ecclesiastica, secundum primam originem & jus radicale præsumuntur Ecclesiastica & spirituales inter Christianos, adeoque intrat consuetus effectus præsumptionis transferendi nimur onus probandi in adversarium. Laym. *n. 6.* C. *de Luc. l. cit. num. 17.* juxta plures Rotæ decis. ibi citatas, & Bald. *l. 1. conf. 419.* quamvis, ut C. *de Luc. ibid. n. 11. & 12.* ex eo, quod possunt esse merè profana, hæc possibilitas sufficiat ad tollendam vehementem illam juris resistentiam (vi cuius alias non sufficit possessio

fine

sine titulo legitimo, vel sicutem colorato ad manutentiam obtinendam in judicio possessorio) & ad possessorem manutenendum. Iterum in dubio utrum decima spirituales manferint, an vero a spirituali titulo abstracte, & laicis in perpetuum collata fuerint, pro Ecclesia presumendum est; quod enim mutatione, sive alienatio talis acciderit, est factum, idque odiosum Ecclesiae, quod non presumi, sed ostendi debet. Laym. cit. num. 6. De cetero terminum decimarum quem competere dictis mere laicalibus & temporalibus, quam spiritualibus decimis, ostendit Card. Luc. d. 9. de decim. n. 10.

2. Secundò, decima alia sunt prædiales, seu reales; alia personales, alia mixta, juxta Azor. p. i. l. 7. c. 34. q. 3. Fagund. ad præcept. s. l. 1. c. 2. num. 1. Castrop. tr. 2. lib. 10. p. 1. n. 2. &c. vel comprehendingo sub prædialibus mixtas (ex eo, quod sicut fructus agrorum, licet majorem industriae requirant, quam arborum, sub eadem tamen divisione fructuum prædialium comprehendantur, ita etiam fructus animalium, et si industria quoque maiorem requirant, dici possunt comprehendendi adhuc sub prædialibus) alia sunt prædiales, alia personales. Suar. tom. I. de relig. tr. 2. l. 1. c. 9. n. 4. Barb. loc. n. 10. juxta l. pecudum. ff. de usu. prædiales dicuntur, quæ debentur ex fructibus prædiorum, v. g. ex agris, arboribus, pīcīnis, molendinis, locationibus ædium &c. Castrop. l. cit. personales, quæ debentur ex fructibus humanae industriae, v. g. ex negotiatione, ludo, bello, venatione, &c. Et quales non sunt acquisita per donationem, hereditatem, aut legatum, cum non dicantur acquisita ex industria hominis. Bass. l. cit. n. 4. Mixtae, quæ debentur ex iis, quæ partim ex industria humana, v. g. in pascendis pecoribus adhibita, partim ex natura seu prædio provenient, v. g. ex animalium lana, lacte, butyro, &c. quamvis ut dictum revercentur ab aliis fructus ad prædiales, & forte melius cum vix dentur reales seu prædiales, quorum perceptio non dependeat etiam ex industria personæ, ut Barb. n. 9.

Quæstio 465. Quo jure debeantur decima?

R Espondeo: tempore legis scriptæ jure divino posito debebantur decima, habito etiam respectu ad quotam seu partem præcisè decinam, tam prædiales quam mixtae, hoc est fructibus terra & animalium. c. 22. & 23. Exodi. c. 57. Leviticus. personales autem etiæ solvi poterant, non tamen debebantur, quia de his nihil in dictis capitibus. Barb. l. cit. num. 9. Suar. num. 6. Castrop. num. 3. In lege gratia decima spectata in ratione congrua sustentationis ministrorum Ecclesiae, debentur jure divino tam naturali quam positivo; evidens enim ratio naturalis dictat, oportere stipendium, seu sustentationem exhiberi iis, à quibus accipitur servitium necessarium, qualis est administratio rerum spiritualium & divinarum, quæ ipsa obligatio jure quoque divino positivo exprimitur illis Christi Luc. 10. Dignus est operarius mercede sua. & Paulus ad Cor. 9. Nemo stipendii suis militavit unquam: & si vobis spiritualia seminavimus, magni non est, si nos carnalia vestra metamus. Nequaquam tamen sub hoc respectu ad quotam nimirum decimam debentur decima in lege gratia ullo præcepto divino, non naturali; quia quod sustentatio dictorum ministrorum sit debita, item quod recognitio divina excellentia &

supremi dominii (quamvis huic obligationi recognoscendi divini dominii per oblationem alicujus partis bonorum in lege gratia sit plenè satisfactum per oblationem sacrificii missæ, quod solùm in ista finem offertur. Castrop. p. 2. n. 2.) per applicationem & oblationem potius decimæ, quam duodecimæ, vel octavae, nulla ratio naturalis evincit, cum nec in lege naturæ fuerit obligatio solvendi præcisè decimam, quod enim Abraham obtulerit decimas Melchisedecho, id spontaneū fuit: quod Jacob Genes. 28. Deo promiserit decimas cunctorum, ex voto fuit. Neque jure positivo; quia nullum hac de re præceptum à Christo latum, vel ab Apostolis promulgatum ostendi potest; lex autem antiqua de decimis & generaliter omnia præcepta tam ceremonialia quam judicialia, juxta Paulum ad Gal. 3. & D. Thom. 1. 2. q. 108. a. 1. vivente Christo cessarunt. Adde, quod Ecclesia uti & consuetudo eximat aliquos ab obligatione solvendi decimas, quod fieri non posset, si esset obligatio juris divini. Debentur tamen decima tam personales quam prædiales sub dicta ratione jure Ecclesiastico, ut constat ex toto titulo de decimis. & Trid. sess. 25. c. 12. quamvis ex consuetudine toto ferè orbe Christiano legitimè præscripta decima personales non solvantur; ed quod ministris Ecclesiae aliunde provisum sit. Bass. l. c. n. 4. citans Regin. Nav. Castrop. p. 6. n. 10. citans Abb. in c. cum homines h. s. n. 5. Sa. v. decima. n. 1. Valent. d. 6. q. 5. p. 3. Suar. &c. Hanc autem quotam seu decimam partem justè taxavit Ecclesia, tum ob imitationem legis scriptæ, tum ne fideles minus gratus se ostenderent, utpote majora beneficia accipientes à ministris suis. Bass. loc. cit. Castrop. loc. cit. num. 5. & quidem specialiter quoad decimas personales, ut fideles novæ legis se gratiore exhibeant ministris suis ob majora ab iis accepta beneficia, ac præcipue quia multæ familiæ, civitates & respubl. nullum agrum habent aut pecora, ex quibus prædiales decimas solverent. Castrop. l. cit. n. 5. citans Less. cit. c. 39. du. 2. & Suar. ubiante c. 41.

Quæstio 467. Ex quibus rebus solvenda decima personales, ubi ea adhuc sunt in usu?

I. R Espondeo primo: de jure communī non debentur haec decima ex bonis adventitiis, puta, quæ donatione, legato, hereditate, simili & titulo obveniunt. Castrop. l. c. p. 6. n. 3. citans Innoc. in c. mon. ep. n. 2. Suar. l. cit. c. 31. n. 6. Valent. ro. 3. d. 6. q. 5. p. 3. Bonac. &c. Barb. de off. paroch. c. 28. n. 26. citans Sylv. in sum. v. decima. n. 12. Monet. de decim. c. 4. n. 37. Rebuff. &c. contra Azor. l. cit. c. 15. q. 8. quatenus hic cum Gl. in c. decima 16. q. 5. apud Barb. n. 27. tenet, deberi decimas hereditatis provenientis ab intestato; non vero provenientis ex testamento. Item quatenus ibid. cum Sylv. & Gl. in c. paroch. apud Barb. l. cit. tenet solvendas decimas ex hereditate ab herede extraneo; non vero à filio herede: item quatenus ibid. ut Castrop. cit. n. 2. tenet, solvendas ex rebus nobilibus hereditatis, secundus de immobilibus. Ratio autem nostræ responsionis est, quod decima non solvantur, nisi ex fructibus à terra vel hominis ministerio productis; jam vero res legata, donata hereditaria, non sunt fructus ex terra seu prædio, nec fructus personæ ex ejus actione, industria, labore provenientes. Unde etiam ipsa persona legatarii, donatarii &c. non tam propriæ talia